



UNIVERSITÄTS-
BIBLIOTHEK
PADERBORN

Universitätsbibliothek Paderborn

S. Vincentii Lerinensis Galli, Libellus Verè Avrevs Adversus profanas Hæreseōn novationes

Vincentius <Lerinensis>

Coloniae, 1652

Ex 1. Cor. 11. capite, quod Pseudoapostoli sint operarii subdoli, transfigurantes se in Angelos lucis. Item, quod sint discipuli diaboli tentatis Christum. Caput XXXVII.

[urn:nbn:de:hbz:466:1-55177](https://nbn-resolving.org/urn:nbn:de:hbz:466:1-55177)

scietis eos. Id est, cum coeperint illas
voces non jam perferre tantum, sed
etiam exponere: nec adhuc jaetare
solum, sed etiam interpretari: tunc
amaritudo illa, tunc acerbitas, tunc
rabies intelligitur, tunc novitium
virus exhalabitur, tunc prophanæ
novitates aperiuntur, tunc primum
scindi sepem videas, tunc transferri
patrum terminos, tunc Catholicam
fidem cædi, tunc Ecclesiasticum dog-
ma lacerari.

*Ex 1. Cor. 11. capite, quod Pseudoaposto-
li sunt operarii subdoli, transfigu-
rantes se in Angelos lucis. Item,
quod sint discipuli diaboli tentantis
Christum.*

CAPUT XXXVII.

Tales erant ii, quos percutit Apo-
stolus Paulus in secunda ad Co-
rinthios dicens: Nam ejusmodi in-
quit, Pseudoapostoli, sunt operarii
subdoli transfigurantes se in Apo-
stolos Christi. Quid est transfiguran-
tes se in Apostolos Christi? Profere-
bant

bant Apostoli divinæ legis exempla
 proferebant & illi: Proferebant A-
 postoli Psalmorum auctoritates
 proferebant & illi. Proferebant A-
 postoli sententias Prophetarum, &
 illi nihilo minus proferebant. Sed
 cum ea, quæ similiter protulerant,
 interpretari non similiter cepissent,
 tunc simplices à subdolis, tunc iusti-
 cati à fucatis, tunc recti à perversis,
 tunc postremò veri Apostoli à falsis
 Apostolis discernebantur. Et non
 mirum, inquit. Ipse enim Sathanas
 transfiguratur se in Angelum lucis,
 non est ergo magnum, si ministri
 ejus transfigurantur sicut ministri
 justitiæ. Ergo secundum Apostolum
 Pauli magisterium, quotiescunq; vel
 Pseudoapostoli, vel Pseudoprophe-
 tæ vel Pseudodoctores, divinæ legis
 sententias proferunt, quibus male
 interpretatis errores suos astruere
 conentur, non dubium est, quin au-
 ctoris sui callida machinamenta se-
 dentur: quæ ille nunquam profecto
 comminisceretur, nisi sciret omni-

no nullam esse ad fallendum faci-
 liorem viam, quam ut, ubi nefarii
 erroris subinducitur fraudulentia,
 sibi divinorum verborum præten-
 datur auctoritas. Sed dicet aliquis:
 unde probatur quòd sacræ legis ex-
 emplis diabolus uti soleat? Legat
 Evangelia, in quibus scribitur: Tunc
 assumpsit eum diabolus, id est Do-
 minum Salvatorem: & statuit il-
 lum supra pinnam templi, & dixit
 ei: si filius Dei es, mitte te deorsum.
 scriptum est enim: quòd Angelis
 suis mandavit de te, ut custodiant
 te in omnibus viis tuis: in mani-
 bus tollent te, ne fortè offendas ad
 lapidem pedem tuum. Quid hic fa-
 ciet misellis hominibus, qui ipsum
 Dominum majestatis, scripturarum
 testimoniis appetiverit? Si, inquit, fi-
 lius Dei es, mitte te deorsum. Qua-
 re? scriptum est enim inquit. Ma-
 gno perè nobis doctrina loci istius
 attendenda atque recinenda est, ut
 tanto Evangelicæ auctoritatis ex-
 emplo, quanto aliquos Apostolica,
 seu

seu Prophetica verba proferre con-
 tra Catholicam fidem viderim
 diabolum per eos loqui minime de-
 bitemus. Nam sicut tunc caput ca-
 piti ita nunc quoq; membra mem-
 bris loquuntur: membra scilicet
 diaboli, membris Christi; perfideli-
 delibus, sacrilegi religiosi haere-
 ci postremo Catholicis. Sed quomodo
 tandem dicit? Si, inquit, Filius Dei
 es, mitte te deorsum. Hoc est. Filius
 esse vis Dei, & haereditatem regni
 caelestis accipere, mitte te deorsum
 id est, ex istius te sublimis Ecclesie
 qua etiam templum Dei putatur
 doctrina & traditione dimitte. At
 si quis interroget quempiam haere-
 ticorum sibi talia persuadentem:
 Unde probas, unde doces, quod Ec-
 clesiae Catholicae universalem & an-
 tiquam fidem dimittere debeat?
 Statim ille: Scriptum est enim. Et
 continuo mille testimonia, mille
 exempla, mille auctoritates parat
 de lege, de Psalmis, de Apostolis,
 de Prophetis: quibus novo & ma-
 gno

more interpretatis, ex arce Catho-
 lica, in hæreseos barathrum infœ-
 lix anima præcipitatur. Jam verò
 illis quæ sequuntur promissionibus
 miro modo incautos homines hæ-
 retici decipere consueverunt. Au-
 dent etenim polliceri, & docere,
 quod in Ecclesia sua, id est, in com-
 munionis suæ conventiculo; ma-
 gna & specialis, ac plane persona-
 lis quædam sit DEI gratia, adeo ut
 sine ullo labore, sine ullo studio,
 sine ulla industria, etiamsi nec quæ-
 rant, nec perant, nec pulsent, qui-
 cunque illi ad numerum suum per-
 tinent, tamen hæc divinitus dispen-
 sentur, ut Angelicis euesti manibus,
 id est, Angelica protectione servati,
 nunquam possint offendere ad lapi-
 dem pedem suum, id est, nun-
 quam scandalizari.

Qui